

Broj: 03-02-300-6/2024  
Sarajevo, 21.11.2024. godine

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Priljeno: 22-11-2024			
Org. jed.	Broj	Priloga	Vrijednost
01,02	-11-	2440	/24

PARLAMENT FEDERACIJE  
BOSNE I HERCEGOVINE

- Predstavnički dom-  
gosp. Dragan Mioković, predsjedavajući

- Dom naroda –  
gosp. Tomislav Martinović, predsjedavajući

Poštovani,

Na osnovu člana 30. stav 2. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH" br. 86/07, 24/09, 44/10 i 30/16), radi informiranja, dostavljam Izvještaj o zaduženju Federacije Bosne i Hercegovine po osnovu emisije (6M) trezorskih zapisa na dan 17.09.2024. godine, koji je Vlada Federacije Bosne i Hercegovine usvojila na nastavku 43. sjednice, održanom 20.11.2024. godine.

S poštovanjem,



PREMIJER

Nermin Nikšić

Prilog: kao u tekstu

Na osnovu člana 19. stav (4) Zakona o Vladi Federacije Bosne i Hercegovine ("Službene novine Federacije BiH" br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine na svojoj 43. sjednici, održanoj 20.11.2024. godine, donosi

### ZAKLJUČAK

1. Usvaja se Izvještaj o zaduženju Federacije Bosne i Hercegovine po osnovu emisije trezorskih zapisa na dan 17.09.2024. godine.
2. Vlada Federacije Bosne i Hercegovine obavijestit će Parlament Federacije Bosne i Hercegovine o Izvještaju iz tačke 1. ovog zaključka.
3. Ovaj zaključak stupa na snagu danom donošenja.

V. broj: 1691 /2024  
20.11.2024. godine  
Sarajevo



PREMIJER

*Nermin Nikšić*  
Nermin Nikšić

## IZVJEŠTAJ

### O ZADUŽENJU FEDERACIJE BOSNE I HERCEGOVINE PO OSNOVU EMISIJE TREZORSKIH ZAPISA

(Aukcija 17.09.2024. - 6M- 30 mil.-)

Budžetom Federacije Bosne i Hercegovine za 2024. godinu (Službene novine FBiH broj: 7/24), na poziciji Primici od domaćeg zaduživanja – kratkoročni, planirano je zaduženje u iznosu od 360.000.000,00 KM čija realizacija je planirana putem emisije trezorskih zapisa.

Vlada Federacije Bosne i Hercegovine je na svojoj 63. sjednici održanoj 09.10.2012. godine donijela Odluku o uslovima i procedurama emisije trezorskih zapisa Federacije Bosne i Hercegovine (Službene novine FBiH broj: 88/12). Tačkom III stav 1. naprijed navedene Odluke propisano je da se emisija trezorskih zapisa Federacije vrši prema dinamici, obimu, uslovima i na način utvrđen Odlukom o emisiji iz tačke II stav 1. iste odluke koju donosi Vlada Federacije Bosne i Hercegovine.

U vezi sa naprijed navedenim Vlada Federacije Bosne i Hercegovine je na 28. sjednici održanoj 27.02.2024. godine donijela Odluku o zaduženju Federacije Bosne i Hercegovine putem emisije trezorskih zapisa (6M) Federacije Bosne i Hercegovine V. broj 190/2024 (Službene novine FBiH broj: 16/24), kojom je odobreno zaduženje Federacije Bosne i Hercegovine putem emisije trezorskih zapisa radi prikupljanja sredstava za finansiranje izdataka utvrđenih Budžetom Federacije Bosne i Hercegovine za 2024. godinu u nominalnom iznosu od 100.000.000,00 KM sa rokom dospjeća od šest mjeseci (182 dana).

Dana 02.09.2024. godine objavljen je Javni poziv za učestvovanje u emisiji trezorskih zapisa Federacije Bosne i Hercegovine putem aukcije na sarajevskoj berzi-burzi vrijednosnih papira, kojim su pozvana sva zainteresovana fizička i pravna lica da učestvuju na aukciji trezorskih zapisa Federacije Bosne i Hercegovine.

Aukcija trezorskih zapisa Federacije Bosne i Hercegovine održana je 17.09.2024. godine, čime je Federacija Bosne i Hercegovine je ponudila 3.000 trezorskih zapisa nominalne vrijednosti 10.000,00 KM po zapisu, (što ukupno iznosi 30.000.000,00 KM), sa rokom dospjeća 182 dana, putem metode višestrukih cijena.

Za vrijeme trajanja aukcije ukupno je pristiglo 27 ponuda za kupovinu 7.821 trezorskih zapisa u ukupnom iznosu od 78.210.000,00 KM.

Prihvaćeno je 8 (osam) ponuda za kupovinu trezorskih zapisa, putem kojih je prodano 3.000 trezorskih zapisa ukupne nominalne vrijednosti 30.000.000,00 KM, što predstavlja 100,00% planiranog obima emisije.

Najviša prihvaćena cijena iznosila je 98,5358 uz kamatnu stopu 2,9801% a najniža prihvaćena cijena iznosila je 98,4826 uz kamatnu stopu 3,0900%. Trezorski zapisi prodani su po prosječnoj ponderisanoj prihvaćenoj cijeni od 98,5157 odnosno prosječnoj ponderisanoj kamatnoj stopi od 3,0215% na godišnjem nivou.

Ukupan iznos prikupljenih sredstava putem emisije trezorskih zapisa iznosi 29.554.724,56 KM.

Trezorski zapisi dospijevaju na naplatu 19. marta 2025. godine.

Udio pojedinih sektora u ukupnom iznosu emisije iznosi :

Bankarski sektor	94,97%
Ostali	5,03 %

Na dan poravnanja 18.09.2024. godine na osnovu izvršene emisije na Posebnom privremenom transakcijskom računu Federacije BiH otvorenom kod UniCredit Bank d.d. broj: 338-690-224-969-9290, uplaćeno je 29.554.724,56 KM.

Imajući u vidu navedeno, Vlada Federacije Bosne i Hercegovine donosi sljedeći Zaključak: